

खबरां श्रुति खजूरिया कोला

- प्रधानमंत्री नरेंद्र मोदी होरें आक्खेआ जे दुनिया दी हर रसोई च भारत दा घट्टोघट्ट इक व्यंजन शामिल करना उनदा सुखना ऐ।
- प्रधानमंत्री नरेन्द्र मोदी होरें आक्खेआ जे पूरी दुनिया भारत गी में कन्ने दिक्खा'रदी ऐ।
- राष्ट्रपति द्रोपदी मुर्मू होरें आक्खेआ जे शांति मिशन च महिलाएं दी मौजूदगी इसगी होर मता विविधतापूर्ण ते समावेशी बनांदी ऐ।
- भारत ते इंग्लैंड नै मुक्त व्यापार वार्ता परतिऐ शुरू करने पर सहमति जताई ऐ गलाया उद्योग ते व्यौपार मंत्री पीयूष गोयल होरें।
- निर्वाचन आयोग 4 ते 5 मार्च गी नमी दिल्ली च सारे राज्यें ते केंद्र शासित प्रदेशें दे मुख्य चुनाव अधिकारियें दा दो दिन दा सम्मेलन आयोजित करौग।

<><><><><><>

PM-Kisan

प्रधानमंत्री नरेंद्र मोदी होरें आक्खेआ जे दुनिया दी हर रसोई च भारत दा घट्टोघट्ट इक व्यंजन शामिल करना उनदा सुखना ऐ। प्रधानमंत्री होरें आक्खेआ जे उनदी सरकार कृषि उत्पादें दे निर्यात, प्रसंस्करण गी बढ़ावा देने आहली पेठा लगातार कम्म करा र'दी ऐ। मोदी होरें करोड़ 80 लक्ख करसानें गी प्रधानमंत्री किसान सम्मान निधि योजना दी 19मी किस्त जारी करने मगरा भागलपुर च इक जनसभा गी संबोधित करा'रदे हे। उने

माली सहायता दे तौर पर 22 हजार 700 करोड़ रुपये दी राशि जारी कीती। प्रधानमंत्री होंरें आक्खेआ जे मखाने गी बढावा देना भी इस्सै पंठा इक पैहल ऐ। उने क्खेआ जे मखाना बोर्ड दे गठन मगरा वैश्विक बाजार च मखाने दा निर्यात बढौग जिसदे कन्ने करसानें गी बडा लाह होग। उने आक्खेआ जे देशे दे पूर्वी हिस्से च खाद्य प्रसंस्करण दियां बडियां मतियां संभावनाएं न, इस करी बिहार च राष्ट्रीय खाद्य प्रौद्योगिकी उद्यमिता ते प्रबंधन संस्थान दी स्थापना कीती जा र दी ऐ। प्रधानमंत्री होंरें अम्ब, टमाटर, प्याज ते आलू दे उत्पादन गी बढावा देने आस्तै बिहार दे भागलपुर, मुंगेर ते बक्सर च त्रै नमें उत्कृष्टता केंद्र बनाए जाने दी बी घोषणा कीती। श्री मोदी होंरें 10 हजारमें करसान उत्पादक संगठन दे गठन दी भी घोषणा कीती। उने आक्खेआ जे इसदे कन्ने करसानें दी आमदन च बाददा होई सकदा ऐ। ते हुनै तगर मुख्य भरै च 30 लक्ख करसान इने संगठनें कन्ने जुड़ी चुके दे न। प्रधानमंत्री मोदी होंरें इने संगठनें च 40 प्रतिशत महिला सदस्य होने पर खुशी जाहिर कीती।

<><><><><><><><>

PM-GIS

प्रधानमंत्री नरेंद्र मोदी होंरें अज्ज आक्खेआ ऐ जे भारत दे इतिहास च एह पैहली बारी ऐ जे समूलची दुनिया स्हाड़े आहली बक्खी नमिं ते बड्डिं आसें-मेदें कन्ने दिक्खा करदी ऐ। अज्ज भोपाल च दुनिया भरै दे निवेशकें दे शिखर सम्मेलन दा उद्घाटन करदे होई मोदी होंरें आक्खेआ जे आम आदमी, अर्थ शास्त्रिं, संस्थानें ते दुनिया दे केई देशें गी भारत कोला बेशुमार मेदां न। उनें आक्खेआ जे विश्व बैंक कोला लेइए दुनिया दे बड्डे संस्थान बी भारत गी दुनिया दी सब्भनें शा तेजिया कन्ने बरोस करा करदी अर्थ बवस्था

दे रूपै च दिक्खियै संदोख बुज्झदे न। दुनिया दे बड्डे-बड्डे निवेशकें इत्थे रास पूंजी लाने लेई आवै करदे न। मोदी होरें आखेआ जे स्हाड़े मुल्खे पर दुनिया दे बधदे भरोसे कन्ने सब्भनें राज्यें दा आत्मविश्वास बी बधेया ऐ ते जित्थे-जित्थे डबल इंजन दी सरकार ऐ उत्थे विकास दी रफ्तार च बी तेजी आई ऐ।

<><><><><><>

Assembly Delhi

दिल्ली दी नमीं चुनोई दी विधानसभा दा पैहला सत्र अज्ज मुखमंत्री रेखा गुप्ता ते उन्दे कैबिनेट सहयोगियें प्रवेश साहिब सिंह, आशीष सूद, मनजिंद्र सिंह सिरसा, कपिल मिश्रा, रविंद्र इंद्राज सिंह ते पंकज सिंह दे विधायक पद दी शपथ लैने कन्ने शुरू होआ। अस्थाई अध्यक्ष हरविंद्र सिंह लवली होरें होरनें नमें चुनोए दे विधायकें गी बी शपथ दोआई। विजेन्द्रा गुप्ता होरें गी विधानसभा दा अध्यक्ष चुनेआ गेआ ऐ। उपराज्यपाल विनय कुमार सक्सेना कल सदन गी संबोधित करंगन। पिछली सरकार दे कम्मकाज पर कैग रिपोर्ट बी कल सदन च पेश कीती जाग। विधानसभा दा 3 दिने दा सत्र इस म्हीने दी 27 तरीक तगर जारी रौहग।

<><><><><><>

Speaker All Party Meet

औंटी 3 मार्च थमां शुरू होने आहले जम्मू-कश्मीर विधानसभा दे बजट इजलास कोला पैहले स्पीकर अब्दुल रहीम राथर होरें औंटी 27 फरवरी गी सब्भनें पार्टिं दी इक बैठक सद्दी ऐ तांजे सदन दे कम्मैकाजें गी बवस्थित ांग्गै सिर तोढ़ चाढ़ना जकीनी बनाया जाई सकै। इस बैठका च नेशनल कांफ्रेंस, बीजेपी, पीडीपी ते पीपुल्स कांफ्रेंस दे नेता

हिस्सा लैडन। 43एं दिनें दा एह बजट इजलास हंगामेदार रेह्ी सकदा ऐ कीजे बरोधी धड़े नै केई सारे मामलें गी लेइयै सरकार गी घेरने दी तैयारी कीती दी ऐ। जित्थे इक बक्खी मुक्ख बरोधी दल बीजेपी आसेआ सत्ताधारी पार्टी नेशनल कांफ्रेंस गी ओहदे चुनावी घोषणा पत्र च कीते गेदे वादें ते शासन सरबंधी मामलें गी लेइयै घेरने दी तैयार कीती गेदी ऐ उत्थे गै पीडीपी ते पीपुल्स डेमोक्रेटिक पार्टी इक बारी फही दफा 370 दा मुद्दा पुट्टने सने शराब दी बिक्री ते खपत पर पाबंदी ते होरनें मामलें गी बी पुट्टी सकदी ऐ।

<><><><><><>

Speaker

जम्मू-कश्मीर विधानसभा दे स्पीकर अब्दुल रहीम राथर होरें औंदे बजट इजलास गितै सुरक्षा तैयारिएं ते होरनें बंदोबस्तें दी समीक्षा गितै इक बैठक सददी ते सरबंधित बक्ख-बक्ख मैहकमें दे अधिकारिएं गी निर्देश दिता जे आपूं च नेइमा तालमेल बनाइयै कम्म करन तां जे इजलास गी पूरी चाल्ली रमानदारी ते बवस्था आहले ऽंग्गै सिर तोड़ चाढ़ेआ जाई सकै।

<><><><><><>

President-Mahila Shanti Sainik

राष्ट्रपति द्रौपदी मुर्मु होरें आखेआ ऐ जे महिला शांति सैनिकें दी स्थानीय समुदायें तगर बेहतर पुज्ज हुंदी ऐ ते ओह महिलाएं ते बच्चें आस्तै आदर्श दे रूप च कम्म करी सकदी ऐ। राष्ट्रपति होरें आखेआ जे एह लिंग आधारित हिंसा कन्नै निब्बड़ने, विश्वास बनाने ते संवाद गी बढ़ावा देने आस्तै बेहतर साबित होंदी ऐ। राष्ट्रपति होरें अज्ज नमीं दिल्ली दे

राष्ट्रपति भवन च ग्लोबल साउथ दी महिला शांति सैनिकें दे इक्क समूह गी संबोधित करदे होई एह गल्ल आकखी। उनें आखेआ जे शांति मिशन च महिलाएं दी उपस्थिति इसी होर बद्द विविधतापूर्ण ते समावेशी बनांदी ऐ। महिला शांति सैनिक शांति स्थापना च महिलाएं: 'इक्क ग्लोबल साउथ परिपेक्ष्य' विषे पर इक्क सम्मेलन च हिस्सा लैने आस्तै इनें दिनें दिल्ली च न। एह कार्जक्रम विदेश मंत्रालय नै रक्षा मंत्रालय ते संयुक्त राष्ट्र शांति स्थापना केंद्र नमीं दिल्ली दे सहयोग कन्ने आयोजित कीते दा ऐ।

<><><><><><><><>

Jaishankar Peacekeeping

विदेश मंत्री डॉ. एस जयशंकर होरें आखेआ जे भारत संयुक्त राष्ट्र शांति स्थापना अभियानें च मता योगदान दिंदा आया ऐ। नमीं दिल्ली च महिला शांति सैनिकें दे पैहले सम्मेलन दौरान विदेश मंत्री होरें आखेआ जे दुनिया च शांति बनाई रखने लेई लगातार जत्न करने दी महत्वपूर्ण भूमिका ऐ ते भारत वैश्विक शांति स्थापना च लगातार योगदान दिंदा रौहग। इस दौरान विदेश मंत्रालय च सचिव पच्छम तन्मय लाल होरें गलाया जे भारत कोल शांति स्थापना अभियानें दा लम्बा तजुर्बा ऐ। सेना दे उप प्रमुख लेफ्टिनेंट जनरल एन.एस राजा सुब्रमणी होरें आखेआ जे महिला शांति सैनिक शांति स्थापना अभियानें च असरदार योगदान दिंदियां न। 2 दिनें दे इस सम्मेलन दा आयोजन विदेश मंत्रालय आसेआ रक्षा मंत्रालय ते संयुक्त राष्ट्र शांति स्थापना केंद्र दे सहयोग कन्ने कीता जा'रदा ऐ सम्मेलन च ग्लोबल साउथ दे 35 देसें दी महिला शांति सैनिक हिस्सा लै करदियां न।

<><><><><><><><>

Goyal England

भारत ते इंग्लैंड नै अज्ज मुक्त व्यापार वार्ता परतिरे शुरू करने पर सहमति जताई ऐ। उद्योग ते व्यौपार मंत्री पीयूष गोयल होंरें नमी दिल्ली च इंग्लैंड दे व्योपार ते कारोबार मंत्री जोनाथन रेनॉल्ड्स हुन्दे कन्ने मलाटी कीती ते सांझे संवादताता सम्मेलन गी संबोधित करदे होई एह गल्ल आकखी।। श्री गोयल होंरें दस्सेआ जे इंग्लैंड च चुनाएं करी एह गल्लबात रुकी दी ही। उने आकखेआ जे भारत ते इंग्लैंड बश्कार मुक्त व्यापार समझौता न्यायसंगत, संतुलित ते आपसी तौर पर इक लाहकारी समझौता होग जिसदे कन्ने दोनै देशें गी लाह होग। गोयल होंरें आकखेआ जे दोनै देशें बश्कार व्यापार संबंधें गी मजबूत कीते जाने कन्ने दोनै देशें दे व्यापारियें ते उपभोक्ताएं गी लाह होग।

<><><><><><>

Labour Minister

श्रम ते रोजगार मंत्री डॉ. मनसुख मांडविया होंरें आखेआ ऐ जे श्रम सुधार मुल्य दी कार्यबल नीतिएं गी आधुनिक बनाने दा आधार रेय न। नमी दिल्ली च सामाजिक न्याय पर पैहली खेत्तरीय वार्ता दा उद्घाटन करदे होई उनें एह गल्ल आकखी। इस कार्जक्रम च कर्मचारी राज्य बीमा निगम दे 74में स्थापना दिवस दा बी आयोजन कीता गेआ। मांडविया होंरें आखेआ जे एह गल्लबात नमें हल तलाशने, खेत्तरीय सहयोग गी मजबूत करने आस्तै इक मंच दे तौर पर कम्म करदी ऐ। इस दौरान मांडविया होंरें ई-श्रम मोबाइल एप्लीकेशन दी बी शुरूआत कीती। मांडविया होंरें आखेआ जे आम बजट च 2047 तगर कार्यबल च महिलाएं दी 70 फीसद हिस्सेदारी करने दा महत्वकांक्षी लक्ष्य रक्खेआ गेआ ऐ।

<><><><><><>

Telangana Rescue Efforts

तेलंगाना च श्री सेलम लेफ्ट बँक नहर सुरंग दी स्थिति अजे बी गंभीर ऐ, घटना च 48 घंटे मगरा बी फसे दे लोके तगर पुज्जने आस्तै कोई रस्ता नेई थहोई पाया ऐ। बचाव सरबन्धी जतन जोर-शोर कन्नै चला रदे न। राज्य अधिकारिणं दस्सेआ जे फसे दे लोके गी सुरक्षित कड्डने आस्तै हर संभव जत्न कीते जा रदे न। पानी दे रिसाव ते जमा कीचड़ करी फंसे दे लोके तगर पुज्जने च बाददा आवा रदी ऐ ते गंभीर चुनौतिणं दा सामना करना पवा रदा ऐ। सुरंग च लगातार पानी कड्डने ते आक्सीजन दी सप्लाई दी बवस्था कीती गेई ऐ। बचाव दल सुरंग च मिट्टी दे षेर हटाए जा रदे न।

<><><><><><><><>

Bangladesh-Attack

बंगलादेश दे समितिपारा इलाके च उत्थूं दे ब्हाई फौज दे ठकानें पर किश बदमार्शे अज्ज चानचक्क हमला करी दिता। जारी इक प्रेस विज्ञप्ति मूजब ब्हाई फौज दे ठकानें कश काक्स बजार थाहर बदमार्शे घात लाइयै हमला कीता। इस हमले च इक आदमी दी मौत होई गेई ऐ ते केइएं दे घायल होने दी बी खबर ऐ। फौज नै तुरत मौका साम्भदे होई घायलें गी अस्पताल पुजाया। काक्स बजार दे उपायुक्त मोहम्मद सलाहुद्दीन नै जानकारी दिती ऐ जे एह हमला मकामी समें दे मताबक दिनें कोई 12 बजे होआ।

<><><><><><><><>

PM-Jailalita

प्रधानमंत्री नरेन्द्र मोदी होरें अज्ज तमिलनाडू दी साबका मुखमंत्री जयललिता होरें गी उन्दी जयंती पर श्रद्धांजलि भेंट कीती। श्री मोदी होरें सोशल मीडिया दी इक पोस्ट च आखेआ जे जयललिता होरें गी इक्क दयालु नेता ते उत्कृष्ट प्रशासक दे रूप च सराहेया

जंदा ऐ जिनें अपना जीवन तमिलनाडू दे विकास आस्तै समर्पित करी दिता। प्रधानमंत्री होरें आखेआ जे जयललिता म्हेशां बड़ी गर्मजोशी कन्ने पेश आँदियां हियां ते जन हितैश पैहलें दा समर्थन करदियां हियां।

<><><><><><>

ECl-Sammelan

चुनां आयोग 4 ते 5 मार्च गी नमीं दिल्ली च सब्बै राज्यें ते केंद्र शासित प्रदेशें दे मुख चुनां अधिकारिणं दा 2 दिनें दा सम्मेलन आयोजित करोग। ज्ञानेश कुमार हुंदे मुख निर्वाचन आयुक्त बनने दे बाद चुनां आयोग आसेआ आयोजित एह पैहला सम्मेलन ऐ। इस सम्मेलन च राज्यें ते केंद्र शासित प्रदेशें दे चुनां अधिकारियें गी विचार-विमर्श करने ते इक-दुए दे अनुभवे कोला सिखने दा मौका थहोग।

<><><><><><>

HM Watan ko Jaano

गृहमंत्री अमित शाह होर अज्ज नमीं दिल्ली च जम्मू कश्मीर दे युवाएं कन्ने गल्लबात कीती। युवाएं गी संबोधित करदे होई गृह मंत्री होरें आखेआ कि वतन को जानो सैर जम्मू कश्मीर दे नौजवानें गी अपने मुखे दे बक्ख-बक्ख हिस्सें च जाने ते जानने दा मौका दिंदी ऐ जेदे नै उन्दे अंदर देसै प्रति मान ते अपनेपन दी भावना पैदा होंदी ऐ। युवा संपर्क तैहत “वतन को जानो” कार्यक्रम दे चलदे इनें युवाएं गृहमंत्री हुंदे कन्ने मलाटी कीती। जम्मू कश्मीर बक्ख-बक्ख स्कूल दे आर्थिक तौर पर कमजोर 250 बच्चें गी प्रदेश दिणं शिक्षा मंत्री सकीना इत्तू होरें रवाना करोआया हा। एह दल 13एं दिनें दे दौरें पर ऐ। समाज कल्याण मैहकमे ते गृह मामले सरबन्धी मंत्रालय दे सैहयोग कन्ने

इस दौरै दा सरिस्ता कीता ऐ। एहदा मकसद युवाएं गी भारत दी समृद्ध सांस्कृतिक विरासत बारे जानकार बनाना ते राश्ट्रीय एकता दी भावना गी बल देना ऐ।

<><><><><><><>

CM-Obesity Awareness

अपने कल्लै आहले मन की बात कार्यक्रम च कीते गेदे जिक्र दे मूजब, प्रधानमंत्री नरेन्द्र मोदी होरें मोटापे खलाफ लड़ाई ते तेल दी खपत घटाने बारें जागरूकता बधाने लेई जम्मू-कश्मीर दे मुखमंत्रि ओमर अब्दुल्ला ते होरनें किश हस्तिएं गी नामजद कीता ऐ। मुखमंत्रि उमर अब्दुल्ला होरें इस नामजदगी लेई खुशी जाहिर करदे होई प्रधानमंत्री मोदी हुंदा धन्नवाद कीता। इक सोशल मीडिया पोस्ट च मुखमंत्रि होरें मोटापे करी होने आहले सेहत सरबन्धी खतरें जि'आं दिलै दिएं बमारिएं, शूगर ते मानसिक सेहत सरबन्धी मुद्दें पर लोs पांदे होई इस अभियान च अपने सैहयोग गी पक्का कीता ऐ। उ'नें जेहडे 10 लोकें गी नामजद कीता ऐ उं'दे च पैरा तीरंदाज़ शीतल देवी, क्रिकेटर इकरा रसूल, वुशु लेई भारत दे राश्ट्री कोच कुलदीप हांडु, जम्मू-कश्मीर थमां अंतर्राश्ट्री रिदमिक जिमनास्ट पलक कौर, दीपिका पादुकोण ते इरफान पठान होर शामिल न। इ'नें सब्भनें गी एह गुजारिश बी कीती गेई ऐ जे ओह् बी अग्गे 10-10 होर लोकें गी इस अभियान लेई नामजद करन।

<><><><><><><>

IGP Security Review

जम्मू जोन दे पुलस महानिरीक्षक भीम सेन तूटी होरें अखनूर दा दौरा लाइयै सुरक्षा स्थिति दा जायजा लैता ते अधिकारिएं गी निर्देश जारी कीता जे ओह् बन्ने पारा चुनौतिएं गी लेइयै पूरी चाल्ली सौहगे ते सतर्क रौहन। आई.जी.पी हुंदे इस दौरै पर

Weather

मौसम विभाग नै कल थमां लेइयै 28 फरवरी बशकार हल्की थमां दरम्याने दर्जे दी बरखाते बर्फबारी दी संभावना जताई ऐ। विभाग नै परामर्श जारी कीता ऐ जे इस दरान यातायात पर असर पेई सकदा ऐ खास करी साधना पास, राजदान पास, सोनामर्ग-जोजिला-गुमरी, मुगल रोड ते सिंथन पास बगैरा आली शिड़कां शामिल न। सैलानिएं, यात्रिएं ते ट्रांसपोटरें गी अपनी योजना मौसम दे साब्बै बनाने दी सलाह दिती ऐ।

<><><><><><>